

Na osnovu člana 33. tačka 1. alineja h) Zakona o osnivanju Nezavisnog operatora sistema za prijenosni sistem u Bosni i Hercegovini („Službeni glasnik BiH“ br. 35/04), člana 8. Zakona o radu u institucijama Bosne i Hercegovine („Službeni glasnik BiH“ br. 26/04, 7/05, 48/05, 60/10, 32/13 i 93/17), a u skladu s Pravilnikom o radu Nezavisnog operatora sistema u Bosni i Hercegovini, Pravilnikom o unutrašnjoj organizaciji Nezavisnog operatora sistema u Bosni i Hercegovini s opisom radnih mjesta, kao i Odlukom o popunjavanju radnih mjesta br. 02-1337-1/21, Nezavisni operator sistema u Bosni i Hercegovini raspisuje

JAVNI OGLAS
za popunjavanje radnih mjesta

01 Inženjer za upravljanje sistemom u realnom vremenu - pripravnik – 4 izvršioca
(u organizacionoj cjelini Služba upravljanje sistemom u realnom vremenu)

02 Higijeničarka/spremačica – 1 izvršilac
(u organizacionoj cjelini Služba za korporativne poslove)

01 Inženjer za upravljanje sistemom u realnom vremenu - pripravnik – 4 izvršioca
(u organizacionoj cjelini Služba upravljanje sistemom u realnom vremenu)

Opis poslova i radnih zadataka:

1. Daje saglasnosti za hitne intervencije u unutardnevnim (intra-day) aktivnostima, u cilju osiguranja stabilnosti rada EES-a.
2. Odlučuje o aktivaciji produkata u skladu s Tržišnim pravilima i pratećim pravilnicima.
3. Vršiti razmjenu informacija sa ENTSO-E o trenutnom stanju EES-a putem aktuelnih softverskih aplikacija.
4. Vodi EES na osnovu usaglašenog dnevnog rasporeda, te vrši njegovu promjenu i vodi sistem u skladu s izvršenim unutardnevnim promjenama.
5. Analizira zahtjeve za upravljanje aktivnim ograničenjima u sistemu prijenosa.
6. Kontinuirano prati uslove rada sistema.
7. Prati status interkonektivnih vodova i primjenjuje procedure u slučaju havarija, kada dođe do gubitka kapaciteta.
8. Radi na postizanju dinamičkog dispečinga putem:

- a) sigurnosnog dispečinga kako bi se ustanovio program proizvodnog dispečinga koji nadzire dinamička ograničenja između vremenskih intervala, uzimajući u obzir trenutna i očekivana stanja u mreži, kao i mrežna ograničenja
 - b) provjere reaktivnog energetskeg balansa – u slučaju regulacije napona, kada ograničava incidente, ograničava dispečing aktivne snage kako bi osigurao postojanje adekvatne rezerve reaktivne snage za upravljanje naponom.
9. Izdaje operativne instrukcije za isključenja i uzemljenja (ili uklanjanje uzemljenja) te manipulacije (priključak na i isključenje s mreže) mrežnim elementima prije i nakon održavanja.
 10. Gdje je to neophodno, primjenjuje hitne procedure u cilju zaštite sigurnosti sistema.
 11. Po nalogu rukovodioca Službe upravljanja sistemom u realnom vremenu, pomoćnika rukovodioca Službe upravljanja sistemom u realnom vremenu i inženjera za koordinaciju rada tima obavlja i druge poslove neophodne za efikasno funkcionisanje NOSBiH-a.

02 Higijeničarka/spremačica – 1 izvršilac (u organizacionoj cjelini Služba za korporativne poslove)

Opis poslova i radnih zadataka:

1. Obavlja poslove čišćenja prostorija u zgradama NOSBiH-a
2. Vodi brigu o održavanju čistoće okoliša NOSBiH-a te brigu o cvijeću i zelenilu u zgradi i oko nje.
3. Vodi brigu o urednom i redovnom čišćenju svih radnih prostorija NOSBiH-a.
4. Rukovodiocu prijavljuje neispravnosti u zgradi koje uoči prilikom čišćenja.
5. Po potrebi, osigurava pomoćne usluge vezane za posluživanje napitaka i funkcionisanje kafekuhinje.
6. Po potrebi, obavlja i kurirske poslove
7. Po nalogu generalnog direktora ili rukovodioca službe, obavlja i druge pomoćne poslove neophodne za efikasno funkcionisanje NOSBiH-a.

Uslovi:

Opći uslovi za pozicije 01 i 02 utvrđeni Zakonom o radu u institucijama BiH:

- da ima navršenih 18 godina života
- da je državljanin Bosne i Hercegovine
- da protiv njega nije pokrenut krivični postupak, za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini
- da nije obuhvaćen odredbom člana IX. stavak 1. Ustava Bosne i Hercegovine
- da je fizički i psihički sposoban za obavljanje poslova radnog mjesta na koje se prijavio kod poslodavca.

Posebni uslovi za poziciju 01 – Inženjer za upravljanje sistemom u realnom vremenu - pripravnik:

- VSS (VII. stepen) – diplomirani inženjer elektrotehnike ili magistar diplomirani inženjer elektrotehnike – smjer energetika; minimalno 300 ETC bodova za kandidate koji su visoko obrazovanje stekli po bolonjskom procesu
- aktivno znanje engleskog jezika u govoru i pisanju.

Posebni uslovi za poziciju 02 – Higijeničarka/spremačica:

- niža stručna sprema
- poželjno iskustvo iz oblasti koju obuhvata opis poslova koji se traže za ovo radno mjesto
- vozački ispit B kategorije.

Napomene:

Za poziciju 01 *Inženjer za upravljanje sistemom u realnom vremenu - pripravnik* radni odnos se zasniva na određeno vrijeme, na period od jedne (1) godine dana.

Za poziciju 02 *Higijeničarka/spremačica* radni odnos se zasniva na neodređeno vrijeme, uz probni rad od tri (3) mjeseca.

Prema članu 2. tačka d) Zakona o radu u institucijama Bosne i Hercegovine („Službeni glasnik BiH“ br. 26/04, 7/05, 48/05, 60/10, 32/13 i 93/17) pripravnik je osoba zaposlena prvi put u profesiji za koju je obrazovana, sa svrhom stručne obuke ili samostalnog rada.

Ne može se primiti ni biti u radnom odnosu osoba koja u mjestu življenja obavlja samostalnu profesionalnu djelatnost, odnosno, koja ima obrtničku radnju ili vlastito preduzeće, kako je naznačeno u članku 11. Zakona o radu u institucijama BiH.

Potrebni dokumenti:

Prijava kandidata sa kratkim rezimeom motiva za prijavu na javni oglas (za pozicije 01 i 02), biografija - CV (za pozicije 01 i 02), ovjerena kopija svjedočanstva (za poziciju 02), ovjerena kopija fakultetske diplome, a za kandidate koji su visoko obrazovanje stekli po bolonjskom procesu, uz ovjerenu fakultetsku diplomu i ovjeren dodatak fakultetskoj diplomi (za poziciju 01), ovjerena kopija uvjerenja o državljanstvu koja nije starija od šest mjeseci (za pozicije 01 i 02), izjava kandidata da se na njega ne odnosi član IX. stav 1. Ustava BiH (za pozicije 01 i 02), dokazi o poznavanju engleskog jezika (za poziciju 01), dokaz o radnom iskustvu na istim ili sličnim poslovima (za poziciju 02), kao i kopija vozačke dozvole B kategorije (za poziciju 02). Ovjerena izjava kandidata da nema radnog iskustva u struci nakon sticanja stručne sprema tražene javnim oglasom (za poziciju 01).

Kandidati koji su fakultet završili izvan Bosne i Hercegovine, odnosno koji su diplomu stekli u nekoj drugoj državi nakon 06.04.1992. godine, obavezni su dostaviti ovjerenu kopiju nostrificirane/priznate diplome, u skladu s odredbama Zakona o važnosti javnih isprava u Bosni i Hercegovini („Službeni glasnik BiH, br. 23/04) za poziciju 01. Ukoliko je postupak nostrifikacije/priznavanja počeo ranije ili je u toku u trenutku prijavljivanja na oglas, kandidat je dužan uz prijavu dostaviti i dokaz o podnesenom zahtjevu za nostrifikaciju/priznavanje diplome nadležnom organu.

Napomena za kandidate :

Neposredno pred zaključenje ugovora o radu izabrani kandidati dužni su dostaviti uvjerenje o zdravstvenoj sposobnosti (koje nije starije od tri mjeseca), uvjerenje da se protiv njih ne vodi krivični postupak, uvjerenje o nekažnjavanju, kopiju lične karte i kopiju potvrde o prebivalištu.

Neispunjenje ove obaveze rezultiraće odbacivanjem izabranih kandidata.

S kandidatima koji uđu u uži izbor Komisija za izbor obaviće razgovor i pismeno testiranje o čemu će odabrani kandidati pravovremeno biti obaviješteni (za poziciju 01).

S kandidatima koji uđu u uži izbor Komisija za izbor obaviće razgovor, o čemu će odabrani kandidati pravovremeno biti obaviješteni (za poziciju 02).

Komisija će posebno voditi računa o poštivanju člana 8. stav 9. Zakona o radu u institucijama BiH („Službeni glasnik BiH“ broj: 26/04, 7/05, 48/05, 60/10, 32/13 i 93/17).

Svi kandidati koji se prijave na javni oglas pismenim putem će biti obaviješteni o rezultatima javnog oglasa, odnosno, izboru kandidata.

Rok za podnošenje prijava:

Krajnji rok za prijavu na javni oglas je **10 dana** od dana objavljivanja u dnevnim novinama.

Neblagovremeno dostavljene i nepotpune prijave neće se uzimati u razmatranje.

Prijave se mogu dostaviti lično ili preporučenom poštom na adresu: Nezavisni operator sistema u Bosni i Hercegovini, Ul. Hifzi Bjelevca 17, 71 000 Sarajevo s naznakom :

"JAVNI OGLAS za popunu radnog mjesta 01 Inženjer za upravljanje sistemom u realnom vremenu - pripravnik – 4 izvršioca - NE OTVARATI"

ili

"JAVNI OGLAS za popunu radnog mjesta 02 Higijeničarka/spremačica – 1 izvršilac - NE OTVARATI"

Ovaj javni oglas objavljen je u dnevnim novinama te na web stranici Nezavisnog operatora sistema u Bosni i Hercegovini.